





Digitized by the Internet Archive
in 2018 with funding from
Getty Research Institute

FRANCISCI MARIANI VITERBIEN.

DE HELLENISTIS

IN ACTIBUS APOSTOLORUM

CONTRA SALMASIUM.

FRANCIS M. W. W. W. W. W.

DE HELENIIS

IN ADRIANUS ABSTOMUM

CONTRA SALMATICUM



Francisci Mariani Viterbien. Bibliothecæ Vatic. Scrip-
toris Græci de HELLENISTIS in Actis Aposto-
lorum , contra Salmasium , Suicerum , Olearium ,
& alios .

Clariss. Claudius Salmasius adversus Danielem Hein-
sum , quod linguam LXX. Interpretum , & Novi
Testamenti Hellenisticam appellarit , atque Hellenistas,
inter quos septem Diaconi , hebræos origine fuisse dixerit;
tanto cum fastu , & contemptu invehctus est , ut omnes
ejusdem sententiæ , tanquam ineptos , bardos , atque Hel-
lenisticarios (sic ipse appellat) irridendos , exhibilandosque
traduxerit . Eum multi magno cum plausu secuti sunt ,
summisque , laudibus mira illius eruditione , & fama fa-
scinati , duobus libris in fraudem inducti , alterum quo-
rum Hellenistica appellavit , alterum Funus linguæ
Hellenisticæ , tanta confidentia , ac jactantia , ut alium
libellum adjicere non dubitaverit , quem Offilegium in-
scribere non puduit , additis etiam duobus versiculis , in
quibus stultos dicit eos , qui Hellenisticam linguam exti-
tisse defendunt: & veritus, ne satis intelligerentur, latine,
adjecerit (Funer. pag. 226.) se ipsum commendans : Di-
gnum opus Herculis clava : nullum ille monstrum,
monstrosius mactavit . Ita , quod credit se prostrasse
Hellenistas , Herculi seipsum comparat , imo multo præ-
fert . Quis non exhorreat hunc Herculem furem ?

A

Ego

Ego statim atque in meas manus illi libri inciderunt , ab amico rogatus , quid sentirem , non potui facere quin illud Martialis occinerem :

Nuper erat Medicus , nunc est Vespillo Diaulus . Quis enim ad tantam jactantiam non commoveatur ? Quis non stupeat hominem doctum , & eruditum linguam ferebro imposuisse , & cum accensis funalibus ducere ad sepulturam ? Quis non rideat Archiatrum nobilissimum combustæ linguae ossa se invenisse , & collegisse jactantem ? Veniamus nunc ad Salmasii reprehensiones . Is Sacrorum Librorum sermonem nullo pacto dici posse linguam Hellenisticam contendit , quia nunquam ita appellata invenitur apud antiquos . At neque Hellenisticarii dicti sunt ejus sententia homines multi , & magni , & tamen hoc nomine eos appellavit primus . An ipse inepte , atque invidiose imponendorum nominum facultatem sibi arrogat , alios propriis , & usitatis nominibus uti non concedit ? Linguam Hellenisticam vocavit eruditissimus Scaliger , quem ideo laudat Aug. Pfeifferus , nec rejicit Jo. Olearius , nec Boeclerus . Nolo catalogum texere doctissimorum hominum ejusdem sententia , ne videar in questione de voce , ut ajunt , abuti tempore . Satis erit si Huetium , Calmetum , Drusium , Moduy , Lightfootum , Glassium , Lamy , & Bossuetum , Salmasio opponam , unusquisque quorum cum eo potest de eruditione contendere : audiamus duos postremos . Bernardus Lamy in Apparatu Biblico cap. ix. Facta est , inquit , species Schismatis inter Judæos : etenim quia græca ubique notior erat , fuere Judæi etiam extra Alexandriam , qui versiones græcas Bibliorum legissent in Synagogis , ideo dicti Hellenistæ , & habiti despectui ceteris Judæis , qui hebræis Bibliis uterentur . Bossuetus vero in Histor. Universali ad ann. Christi

ſi 277. Hebræi, ſcribit, fecerunt ſibi græcam quandam linguam hebraiſmis miſtam, quæ Helleniſtica appellatur. Septuaginta Interpretes, totumque Novum Teſtamentum hac dialecto ſcriptum eſt. Omitto Card. Baronium, ad an. 34., Fleury, alioſque plurimos. Non multis ante annis Gaſpar Scioppius, ut notat Borrichius, aliiſque Viri celeberrimi, latinæ linguæ auctores in varias claſſes diſiſerunt, eiſque ætates aſſignarunt, & in auream, argenteam, æream, ferreamque diſtribuerunt, quum antea nemo unus hanc nomenclaturam uſurpaverit. Ideo ne inſani, inepti, phanatici cenſendi ſunt, ſicut Heiſium, & Druſium Salmaſius appellat, quod Helleniſtarum linguam a reliquis græcæ dialectis diſtinctam eſſe arbitrantur? Adde quod Salmaſius eo recordiæ abreptus eſt, ut neget Helleniſmum in pluribus vocibus ſtare poſſe. Num in uniſco verbo barbariſmum grammatiki ponunt? Num In convertendo Dominus captivitatem in ſola voce Dominus eſt græca conſtructio? Num quum canit Horatius: abſtinetō irarum, non ſtat in utraque? Neſcit *σωπαρπεσαι*, & *σωπαξι* una in re nec concipi, nec dici poſſe? Ipſe Claudius Novi Teſtamenti diſtinctionem fatetur non eſſe puram, quid igitur impedimento eſt, quo minus homines docti ad hanc indicandam Helleniſticam appellitent, ſicut hispanitatem in Quintiliani Declamationibus Philelphus, & Franciſcus Silvius, Patavinitatem in Livio Aſinius Pollio, in Hadriano ruſticitatem Senatus Rom., & Cicero in Metelli laudatoribus peregrinitatem notarunt? Sed in hac quæſtione, quæ ad nomen pertinet, non eſt operæ pretium diutius immorari. Veniamus ad illam, quæ ad hiftoriam pertinet, & eſt majoris momenti: Utrum Helleniſtæ, quorum in Actis Apoſtolorum mentio ſit, Hebræi fuerint, qui græce loque-

rentur, an græci, qui ad veram Religionem transferant. Multi cum Salmasio septem Diaconos Hellenistas, aliosque græci sanguinis esse volunt. Ego contra excepto Nicolao, omnes filios Abrahamæ fuisse quolibet pignore contendo. Adversariorum argumentum præcipuum illud est, quod Actorum cap. 6. Hebræi ab Hellenistis distinguuntur: Ἐγένετο γογγυσμὸς τῷ ἑλλωιστῶν πρὸς τοὺς ἑβραῖους: Factum est murmur græcorum (in Orig. ἑλλωιστῶν 1. Hellenistarum) contra Hebræos: atque hinc concludunt: ergo Hellenistæ non erant hebræi, sed græcæ stirpis, qui Christi legem amplexi fuerant. Heic notandum, quod ipse Salmasius pluribus in locis, præsertim Funer. p. 226. se scire scibit ἑλλωιστὰς ἀπὸ τῷ ἑλλωῶν distingui, ut atticistæ ab atticis, & in Præfatione famosi libri de Usuris, Hellenistas non de græcis, sed de aliis interpretatur, qui græce loquebantur. Quod repetit Ossilegii pag. 345. Si igitur græcorum filii non erant, idest τῷ ἑθνῶν, restat, ut essent ex genere Abrahamæ. Atque hoc ut clarius pateat, Interpres Syriacus illud Actor. cap. 9. v. 9. Paulus disputabat cum Hellenistis, diserte explicat hoc pacto: disputabat cum hebræis. Et S. Joannes, qui græce scripsit, ita locutus esse adnotatur in Codice pariter Syriaco num. XIX. Biblioth. Vaticanæ septingentis, & amplius annis ab hinc exarato, ubi sic notatur in fine: Explicit annunciatio Joannis, qui Hellenistice locutus est Ephesi. אלינסתין, Hellenistin de Hebræis græcissantibus dici docet Buxtorfius, si quis alius harum rerum peritissimus in Lexico Chaldaico. Quis enim ignorat, nomen hoc Hellenistes ab ἑλλωίζειν etymon habere, quod significat non græcum esse, sed græcos imitari, Consulant Budeum, Crispinum, Schrevelium, Tusanum, Scapulam, Hen. Stephanum, & quotquot λεξικά com-
po-

posuerunt . Si illi igitur Diaconi , ut fatetur Salmasius , Hellenistæ erant , fateatur necesse est , non fuisse græcos origine , sed græcam dialecton solum usurpasse eo , quod in urbibus , ac provinciis nati , vel morati fuerunt , ubi græca lingua usurpabatur . Ideo S. Joannes Evang. cap. 7. v. 35. nominat *Ἑσπεριῶν ἐκλήτων* . i. δωδεκα φύλας ἐν Ἑσπερίᾳ ; duodecim Tribus in dispersione , ut notat Salomon Glassius Philolog. l. 1. sect. 2. pag. 1497. , conceditque Salmasius in Hellenistica pag. 220.

Hebræi enim per totam ferme Asiam , aliasque Mundi partes dispersos fuisse solus ignorat , qui secundum caput Act. Apostolorum nunquam legit , ubi Judæi ex omni gente , quæ sub cælo est , recensentur , quique nunquam vidit Jacobi Epistolam duodecim tribubus ἐν Ἑσπερίᾳ , neque S. Petri τοῖς τῷ Ἑσπερίᾳς παρῆναι . Prætereo epistolam ad Hebræos , quæ etsi credatur eorum lingua primo exarata , nempe Syriaca ; tamen a S. Luca subito , aut , ut alii putant , a S. Clemente in græcam linguam fuisse conversam indubitatum est . Ad hæc quid Salmasius ? Judæi illi ex omni genere , inquit , collecti erant , sed major pars eo nomine appellabatur , quia erant Profelyti , & Judæorum legem amplexi fuerant . Verum , ipse dixit . Equidem nonnulli erant profelyti , & tamen ab Hebræis S. Lucas illos distinguit disertissime eodem capite 2. Act. , ubi inter alios enumerat Cyrenenses , Judæos , & Profelytos , quos S. Chrysostomus illos esse ait , qui Colentes dicuntur (in Act. c. 17. v. 17.) quia Judæi , ut notat Homilia de S. Pentecoste *πανταχῇ τῇ γῆς διασπαρμένοι ἦσαν* . i. ubique gentium dispersi erant , quarum multas recenset Philo in Legatione ad Cajum ; & Rex Agrippa apud Josephum lib. 2. de Bello Jud. Οὐ γάρ ἔστιν ἐπὶ γῆς οἰκισμένης δῆμος , ἢ μὴ μοῖραν ἔχων ὑμετέρων

τέρων . i. non est in terra habitata populus , ubi por-
 tionem vestram non habeat . In sola Ægypto Hebræo-
 rum decies centena millia habitasse testis est idem Philo
 in Flaccum . An de Profelytis sollicitus erat Agrippa ,
 an de advenis loquebatur Chrysostomus , & Philo Judæus ?
 Major pars , ait Salmasius , erant Profelyti . Sed hoc
 repugnat Scripturæ , & SS. Patribus . Pharisei profecto ,
 qui maximum legis studium , fervoremque præseferabant ,
 ac terras , & maria circumibant , vix faciebant Prose-
 lytum unum . Matth. 23. 15. Alii hebræi id sibi fas esse
 non credebant , ut ait S. Cyrillus : ἔγνωσαν ἀλλογενέσι
 πὸν νόμον , καὶ ἀπέκλινον ὡς . Adde quod libros legis
 gens Judæa , ut notat S. Augustinus l. 2. de Doctr. Christ.
 c. 15. ceteris populis vel religione , vel invidia pro-
 dere nolebat ; Et S. Ambrosius l. 9. in Lucam : Nullus
 antequam Christus , nationum populos vocavit ad
 Ecclesiam . Idem asserit S. Gregorius in Homilia , quæ
 legitur Fer. v. Quadrag. Ideo Clar. Millius , aliique illud
 cap. 9. Act. Disputabat cum græcis explicant cum he-
 bræis Hellenizantibus ; Adduntque rationem , quia non-
 dum gentibus prædicatum erat Evangelium . Unde
 igitur habet tot profelytos adeo excellentes Salmasius , ut
 ex iis septem eligerentur , atque hebræis ipsis antefere-
 rentur , quibus promissio facta est , & propter quos præ-
 cipue Christus carnem induit ? Non veni nisi ad oves ,
 quæ perierunt domus Israel , Matth. 15. 24. Quis ve-
 ro tanta eloquentia , & virtute præditus extitit , qui
 tot gentes ad subeundum onus legis , καὶ περισπούδω acer-
 bissimam induxit , id quod nec illius ætatis hebræi , nec
 patres eorum portare potuerunt , ut legimus Act.
 cap. 15. præsertim cum salus sola fide in Christum ven-
 turum acquiri potuerit ? Tanta ne fecunditate donata
 est

est Ancilla , quæ in servitutem generat (Gal. 4. 28.)
ut Libertinos , Alexandrinos , Cyrenenses , Afianos , alios-
que vera Religionis filios pareret , quod solis Christi di-
scipulis , idest filiis liberæ , filiis promissionis (Galat.
ibid.) per Spiritum non servitutis , sed adoptionis
filiis refervabatur ? Roman. 8. 15. Salmasius quum
videret hunc tam grandem Profelytorum numerum diffi-
cile persuasu per tot regna divisum , quibus S. Petrus ,
& Jacobus miserunt Epistolas , (Ossil. pag. 328.) fatetur ,
in omnibus iis regionibus linguam græcam fuisse usurpa-
tam , sed negat in Synagogis . Ecce tibi aliam stropham .
Audiamus quam afferat causam . Quia plurimi ex iis ,
ait , hebraice sciebant haud minus quam Paulus . Ri-
sum teneatis amici ! Qui Syriacam linguam callerent ,
erant profecto multi , sed qui hebraicam , quos S. Chry-
sostomus βαθεῖς ἑβραῖος . i. profundos hebræos vo-
cat , paucissimi vel inter Israelitas , quod ex Esdra no-
tum est , atque ex stupore hebræorum , quum in Templo
Christus Isaiam interpretatus est . Quin imo multi sunt ,
inter quos Huetius in Demonstr. Evang. , aliique apud Bas-
nage , & Fabricium , qui asserere non dubitant , & ar-
gumentis probant , neque Iosephum , neque Philonem Ju-
daeorum facile doctissimos Mosis , & reliquorum Prophe-
tarum libros intellexisse . Verum sicut nullum argumen-
tum hanc in rem de more Claudius affert , ita nec ullam
confutationem opponere operæ pretium est . Ut tamen
magis magisque in aperto sit hujus hominis in decidendo
inconsulta facilitas , audiamus Tertullianum , qui testa-
tur , hebræos palam lectitasse LXX. Interpretes , quod non
ignorat Salmasius in Fun. pag. 89. & alibi . Adde quod
S. Justinus in Palestina natus eandem versionem in Syna-
gogis servatam affirmat , quod propter Justiniani No-
vel-

vellam 146. inficiari non potuit ipse Fun. pag. 91. & quia
 jam fassus fuerat Syriam Palæstinæ propter diuturnum
 Macedonum Imperium, ut ait in *Hellenistica* pag. 121.
 totam græcos occupasse; Quod idem est ac fateri, Ju-
 daeos Palæstinæ Hellenistas exstitisse. Quid quod ex Tal-
 mud indubitatum est, ut jam attigimus, Cæsarae in
 Urbe principe Sacra Biblia quidem, sed græca in Syna-
 gogis fuisse lecta? Quam lectionem, quam Hellenisticam
 vocat, quum R. Levi vehementer improbaret, R. Iose
 respondit haud aliter fieri posse, quia hebraice non in-
 telligebant. Hac refert Buxtorfius in *Thesauro Rabbinico*,
 qui de suo etiam addit: ergo græce sacra legere in
 Synagogis fuit permissum, quod a multis negatur.
 Et Salmasius cum sua confessione, & conscientia constri-
 ctus teneatur, tamen exultat, atque illudit adversarios,
 nec unquam ab hoc enthymemate sese explicat: Ἑλληνίζειν,
 a quo Hellenistes dicitur, significat græcos imitari,
 sicut Hellenismus Ἑλληνισμός l. 2. Machab. v. 13. voca-
 tur nefarium Jasonis scelus, qui multos hebræorum ad
 græcum ritum ἐπὶ τὸν Ἑλληνικὸν χαρακτῆρα transferre
 ausus est. Ergo Hellenistæ loquebantur græce quidem,
 sed græci non erant. Barbari Ambraciota, quum in Ar-
 gos Amphilochium recepti fuerunt, græcorum linguam,
 moresque didicerunt: de iis Thucydides scribit, quod
 Ἑλληνίσσαν, idest hellenizare docti sunt, novumque
 induerunt nomen, non retinuerunt antiquum. Quis
 enim Judæum, qui Christianus factus sit, hebraistam
 appellaret? Omnis, scribit ipse Salmasius Fun. p. 258.
 qui græca utitur lingua cum græcus non sit origine,
 Ἑλλenisτής est, sicut Jonicus Ἰωνικός dicitur, si re-
 licta vernacula lingua scribere malit attice. Hac ver-
 ba Salmasii, quam male sibi constet, & quam adversan-
 tia

tia effutiat, manifestissime demonstrant. Si igitur Pro-
 selyti non fuissent hebræi, non græcissantes, sed hebrai-
 zantes appellari debuissent: Judæorum enim ritus ser-
 monemque didicissent: Sicut Paulus contra Petri simu-
 lationem differens Gal. 2. 14. Quomodo, ait, cogis
 gentes judaizare, *ἰουδαΐζειν*? Solo hoc exemplo tota hæc
 controversia dirimitur. Sed veniamus ad argutias Sal-
 masii, quæ aliquid ponderis habuisse visæ sunt quibus-
 dam, sed leviores sunt funereo pulvere, & fragiliores
 ossibus exustis. Primum, quod jam attigimus illud est,
 quod cap. VI. Actor. sic legimus. *Ἐγένετο γογγυσμὸς
 ἑλλήνων πρὸς τὰς ἑβραίας*. i. Factum est murmur
 græcorum, seu Hellenistarum, contra hebræos. Hoc
 in loco Hellenistæ, inquit Salmasius, distinguuntur ab
 hebræis. Quis it inficias? Ergo, addit, Hellenistæ
 non erant hebræi. Congerit etiam aliud *σόφισμα* ex
 cap. XI. v. 19. ubi S. Lucas narrat discipulos dispersos
 post Stephani cadem perambulasse varias provincias us-
 que Antiochiam nemini loquentes verbum nisi solis Ju-
 dæis (sic refert Salmasius, statimque adjungit,) quos-
 dam ex ipsis Cyrenenses, qui erant & Cyprii, An-
 tiochiam ingressos non Judæis solum, sed ETIAM
 HELLENISTIS verbum Dei prædicasse. Heic accusan-
 dus est Salmasius, quod Sac. Scripturæ verba interpola-
 rit. Nam illud nisi solis Judæis, sed etiam Helleni-
 stis non ita legitur, sed *μὴδενὶ λαλοῦντες, εἰ μὴ μό-
 νον Ἰουδαίοις*. Versu insequenti profecto narratur, quod
 Cyprii, & Cyrenæi aliquot introeuntes in Urbem allo-
 cuti sunt Hellenistas. Fraus igitur, & fallacia in ver-
 bis nisi solis Judæis, & in sed etiam, manifeste appa-
 ret. Verum hæc in præsentiarum prætereo. Respondeo
 igitur: Judæi in primo, & secundo exemplo, distin-

guuntur sane ab Hellenistis, sed ajo discrimen non esse, quod essent diversæ originis, sed quod diversa lingua uterentur, contrariisque opinionibus imbuti essent. Et contra Claudium hoc torqueo enthymema, ut primo intuitu noscatur, quam infirma sit illius argutatio. Judæi saepe in Evangelio Phariseis opponuntur: Ergo ne Pharisei non erant hebræi? Actorum cap. IX. v. 22. legitur Paulus σωέχωε τὰς Ἰουδαίους confundebat Judæos: num Iudeus non erat? Num murmuratio contra aliquem diversitatem generis facit, & disputatio minime? Alia exempla proferre possem, sed unum addam ex Matt. XVI. v. 14. ubi Christus Apostolos interrogat: Quem dicunt homines esse filium hominis? At illi dixerunt: alii Joannem Baptistam . . . Vos autem quem me esse dicitis? Respondens Simon Petrus dixit: Tu es Christus &c. Videre poterat heic Salmasius oppositos sensus, interrogationes diversas, contrariasque opiniones: imo ipse Christus discrevit discipulos ab aliis hominibus, ut notat S. Hieronymus in hunc locum. Num Apostoli non erant homines? Sicui tamen hoc satis non est, addam παράδειγμα simillimum ex cap. IX. Actor. v. 26. Saulus cum venisset in Hierusalem, tentabat se jungere discipulis, & OMNES eum timebant . . . Barnabas autem apprehensum illum duxit ad Apostolos. An Barnabas Christi discipulus non erat? Sed hæc Claudius, ejusque socii non meditantur. Afferamus itaque Athenæi locum, in quo ipse magnifice se jactat, nec intelligit sibi esse contrarium. Ille eruditus Naucratica distinguit Philemonem, Menandrum, & Lysiam ab Hellenistis ἐλλήνιστον. Illi ἀργυρώματα, χρυσώματα, & χαλκώματα dicebant, quæ ἀργυροῦ κόσμον, χρυσοῦ, & χαλκοῦ Hellenizantes appellabant. Heic noster Claudius

con-

contendit, Hellenizontas, seu Hellenistas eos græcos esse, qui elegantissime loquebantur, quia Hellenismus præcipua laus est in Scriptoribus: Et Iove iudicat æquo. Addit præterea, Hellenismum esse perfectissimum scribendi genus, quia Rhetores, & præsertim Aphthonius lib. 6. inter Oratoris laudes illum in primis requirit: adeoque quum in Sac. Bibliis sermo sit Syriasmis, atque hebraïsmis refertus, ut ipse contendit (dissentiente tamen Cl. Schwartzio, Oleario, aliisque) nemini nisi insanienti venire posse in mentem putat, Sac. Scriptores fuisse, & posse dici Hellenistas, qui sermone vili, atque ineleganti usi sunt. Verissimum est, Hellenismum in primis Rhetores suis discipulis inculcasse, qui nec Attici, nec in Græcia nati erant, sicut ipse Aphthonius teste Fabricio Bibl. Græc. lib. 4. Sed quotusquisque ad eam laudem aspirabat? Quare Claudius studiosissimos quantum volet, sibi fingat Hellenizontas, atque elegantissimos supra κόσμον ἀργυρού, καὶ χρυσοῦ, num aureum, atque argenteum dicendi genus Demosthenis, Theophrasti, & Xenophontis æquare poterant? Quando igitur proponit Athenæus phrasin illorum summorum hominum, & Hellenizonton, id est, eorum, qui illos æmulabantur, solum indicat dictionis differentiam, non elegantiae palmam tribuit Hellenistis. Quis enim, ut Menandrum, & Philemonem præteream, Lysia elegantior unquam extitit, aut esse potuit, quem venustissimum, & politissimum censet Cicero, quem Dionys. Halicarnassæus ὁ ἀττικῆς γλώττης ἀριστον καλὸν αἰνέσας appellavit, quem Quintilianus elegantem, & perfectum vocat, & Suidas de eo scribit, quod καθαρὴ τῆς φράσεως μηδὲν ἔχει μιμητῶ πλὴν Ἰσοκράτους. Photius pariter commendat illius πολλῶ τῶ καθαρότητι, καὶ σαφηνίᾳ. Julius Pollux ab Imperatore M. An-

τονινο Magister διγλωττίας filio suo datus, ἀργυρώματα, χρυσώματα, καὶ χαλκώματα recenset, sed ἀργυρῶν, χρυσοῦ, καὶ χαλκοῦ κόσμον ignorat. Quare Hellenistæ saepe a bene loquendo procul aberant, sicuti Strabo Cares κακῶς ἐλλοιζοντας, idest malos Hellenistas pronunciat, qui etiam ab Homero βαρβαρόφωνοι dicti sunt, ut notat Bochartus lib. 1. cap. 7. Chan. Jam Claudius suo sibi gladio jugulandus est. Hellenistæ non χρυσώματα, nec ἀργυρώματα usurpabant, sed χρυσοῦ κόσμον, καὶ ἀργυροῦ: Sed ita D. Paulus locutus est in ep. 2. ad Timoth. cap. 2. v. 20. σκέυον χρυσῶ, καὶ ἀργυρῶ: D. Paulus ergo erat Hellenista, ergo etiam ceteri Apostoli. Hellenistæ igitur erant hebræi, ergo reliqui etiam Apostoli. Veteris quoque Testamenti Interpretes, qui certe fuerunt Iudæi, eadem phrasi usi sunt. Legimus in Exodo non semel σκέυον χρυσῶ, καὶ ἀργυρῶ, sicut cap. 3. v. 22., & in lib. Regum bis, terque, ut lib. 1. cap. 6. v. 8., & lib. 2. cap. 8. v. 10., & lib. 4. cap. 25. v. 14. Κόσμον vero χρυσοῦ Eccli. cap. 20. v. 21. & Machab. c. 1. v. 22. & lib. 2. cap. 5. v. 3. χρυσῶν κόσμων ἐκλάμψεις. Concludendum est igitur, Hellenistas extitisse LXX. Interpretes: Ergo Hellenistæ fuerunt Hebræi. Imitatores igitur fuerunt græci sermonis, sed minime Hellenes, idest græci. Et ideo nos figuram Hellenismi dicimus, quum Syntaxim græcam latini imitantur, ut major horum est caritas, & alia similia. Nonne intelligenti hæc satis sunt? Et tamen Salmasius acrius instat, ac Theocritum opponit, qui Idyllio XV. mulieres quasdam Syracusanas inducit spectantes Alexandria festum Adonidis, quæ cum a quodam illuderentur ob loquelam πλατισδοῦσαν, se aperte Syracusias esse fassæ sunt, sed Corinthias origine, quare ita respondent: δωρίσδεν δ' ἔξεισι τοῖς δωριέεσσιν.

Ergo,

Ergo, ait, si Dorides femina δωπίζειν dicuntur, etiam de iis, qui in gracia nati sunt potest usurpari ἐλλήνιζειν, adeoque veros græcos posse appellari Hellenistas. At homo eruditissimus non cogitat, vel dissimulat Syracusanas illas ἐκ γῆς τῆ δωπίδος, & Κορινθίας ἀνωθεν, ut poeta ipse loquitur, jure δωπίζειν dici, quia dorica dialectus non erat Siculis propria, sed post adventum Peloponnesiorum, sicut latina, postquam subacti sunt a Romanis, adscita fuit ab iis. Trinacria enim non modo tribus promontoriis, verum etiam tribus incolarum generibus est celebris, & ideo trilinguis ab Apulejo lib. II. dicti sunt, quod etiam Taubmannus observat ad Prologum Menechmi, quum Plautus ipsum Sicilissantem fingit in scena Illyrica, quia Comoedia, cujus præcipue personæ Siculos repræsentabant, optime, ut notat Salmasius idem Ossilegii pag. 113., Sicilissare dicitur. Hæc tam clara sunt, ut intelligere non satis possim, quo pacto Claudius tam male Heinsum acceperit, nisi quod forte inter se aliqua similitudo, seu æmulatio intercesserit (quod ex epist. Leon. Allatii facile possem ostendere) quæ tot flatus ipsi excitaverit, tantamque bilem commoverit, ut perspicacissimum illius ingenium excæcarit. Certe nunc Viri eruditi Salmasii opinione posthabita, contraria adherent, ut in principio vidimus, conceduntque, Alexandrinos Judæos Hellenistas fuisse dictos, eosque non solum in Regia Urbe, verum etiam in aliis, atque in ipsa Metropoli Hierosolyma habuisse Synagogas, quod Claudius inficiari non potuit Funer. pag. 190. ubi versio τῶν LXX. legebatur, quia hebraice, inquit, non norant. Eam interpretationem ideo Hellenistæ præsertim Ægyptii summopere amplexabantur, quia auctore Prolemaeo Rege facta fuit, adeoque illis cordi erat, ut annum

num festum instituerint pro gratiis agendis Deo, non Ptolemæis, ut delirat Salmasius, εὐχαριστήσαντες τῷ Θεῷ, scribit Philo in vita Mosis, ob tantum beneficium. Hac de caussa Hebræi βαθεῖς, & præter æquum religiosi, sicut de R. Levi adnotavimus, lectionem ejusmodi in Synagogis agre ferebant, & angue pejus aversebantur, Hellenistas vero haud aliter, quam Apostolum, tanquam profanos, ἀποσωαγώγας, atque, ut ait Lamy, veluti Schismaticos ne aspicere quidem sustinebant illi, quos βαθεῖς ἑβραῖς: i. profundos Hebræos appellat Chrysostomus Hom. 20. p. 169. edit. PP. S. Mauri, ob penititionem cognitionem hebraica lingue, non quia ab origine ἀνέκαθεν, ut contendit Salmasius, tales erant. Sic βαθεῖαν καρδίαν, Hierem. 17. v. 9. Ὁρθρ βαθεῖος Luca XXIV. βελῶ βαθεῖαν apud Isaiam, non origini referuntur, sed significant profunditatem, modumque eximium. Audiamus S. Chrysostomum, cujus verbis subscribunt Theophylactus, Oecumenius, aliique in Homil. laudata ad illa verba Act. cap. 9. v. 29. ἐλάλει πρὸς τὰς ἑλλωιστὰς, sic commentatur: ἑλλωιστὰς τὰς ἑλλωιστὰς φεγγομένους λέγει. καὶ τὸ σφόδρα σοφῶς. ἐκεῖνοι γὰρ ἄλλοι οἱ βαθεῖς ἑβραῖοι εἶδε ἰδεῖν αὐτὸν (Paulum) ἐθέλησαν, idest, Hellenistas græce loquentes appellat, idque valde sapienter: illi enim alii profundi hebræi neque aspicere Paulum volebant. Sed nullibi tam manifeste Claudius suas technas prodit, quam ubi declinare satagit illud telum, quod ex Nicolao diacono contortum est, qui Profelytus Antiochenus dicitur cap. 6. Act. Quare, inquiunt, Profelytus hic cognominatur, si omnes ex sententia Salmasii erant Profelyti? Hæc exceptio, ut ajunt, firmat regulam in contrarium. Is nihil territus Fun. pag. 81., ita, inquit, cogno-

mina-

minatus est, quia solus unus ab Antiochia: reliqui illi hellenista quidem fuerunt, sed Hierosolymitani. Jam quisque videt quem infans sit Hierosolymitam advenam, seu profelytum dicere. Sed hoc non urgeo. Inter illos septem adnumeratur etiam Philippus Diaconus ex Casarea, ubi domum, & filias habebat, ut legimus Act. cap. 21., & confirmat Eusebius l. 33., & Hieronymus in Epithio Paula. Cur igitur s. Lucas non scribit Philippum advenam Casareaensem, sicut Nicolaum advenam Antiochenum appellavit? Quid quod si Hellenista hebraei non erant, illud marmur ex contemptu in Ministerio quotidiano viduarum, statim, & nullo negotio ab hebraeis comprimi potuisset. Vos, reponere poterant, vos graece progeniei, & allophyli, qua fronte pares esse, ac certare nobiscum audetis, qui sumus ex semine Abrahæ? Praclare vobiscum actum arbitraminor, si divina legis, & Mysteriorum participes fecimus, quos ut profanos ab ipso Templi vestibulo procul esse oportebat. Sed redeamus ad septem Diaconos. Stephanus, inquit Salmasius, Fun. pag. 86. ut hellenista graece intelligebat, non hebraice, eratque ex hellenistis, qui a Judaismo desciverant. Ex profelytis igitur esse contendit. Sed illa verba, quibus in concione usus est Act. cap. 7., ἀνδρες ἀδελφοί, Viri fratres, ὁ θεὸς ὡφθῆναι πατρὶ ἡμῶν, Deus apparuit Patri nostro Abraham. γένος ἡμῶν genus nostrum, & alia ejusmodi, quæ præcipue suos persecutores tangebant, tum Stephanum, tum hellenistas illos ex hebraeorum Sanguine fuisse luce clarius demonstrant.

Quo enim pacto ex ethnico Christianus factus, & hebraeorum Synagoga renuncians, ut vult Salmasius, idest cum hebraeis nulla cognatione conjunctus, tum Abraham,

brabam, tum alios Patriarchas appellare Patres potuisset? An quia illos fidei in Christum veluti parentes agnoscebat? Verum Protomartyr Patres vocat etiam, qui noluerunt obedire Deo, & Moysi, cap. 7. v. 39. 'Οὐκ ἐθέλησαν ὑπήκοοι γενέσθαι οἱ πατέρες ἡμῶν, noluerunt obedire Patres nostri. Hi scelesti non poterant dici parentes in Fide: consequens igitur est, Patres fuisse dictos solum propter sanguinis conjunctionem. Ergo Stephanus erat hebræus. Restat, ut de Libertinis etiam videamus, an verum sit fuisse græcæ stirpis, ut de more Claudius asserit animosius, quam verius. Hi Hierosolymæ Synagogam habebant, & græcis Bibliis utebantur, quia ex iis erant, quos Romani sub Pompejo victos postea libertate donarunt, ut plerique omnes Interpretes adnotant cum Chrysostomo Hom. 21. pag. 169. Maur. Si ergo hi erant ex genere Abrahæ, quis non concedet, eos omnes, qui cum Protomartyre disputabant, fuisse hebræos? Audiamus Oecumenium: *λιβερτῖνοι οἱ τῶν Ῥωμαίων ἀπελεύθεροι λέγονται. ὅκουσ δ' ἐκεῖ καὶ ἄλλοι πολλοὶ ξένοι ἐξ ἁλλοδαπῶν πόλεων, καὶ σιναγωγὰς εἶχον, ἐνθα ἔδει τὸν νόμον ἀναγιγνώσκειναι.* i. Libertini dicuntur Romanorum liberti: habitabant autem ibi ... ubi legem legere oportebat. Audiamus modo Philonem De legat. ad Cajum: *πέραν τοῦ τιβέριως ποταμοῦ, μεγάλης τῆς Ῥώμης ἀποτομῶν ἀπεχομένην, καὶ οἰκούμενην πρὸς Ἰουδαίων*: Trans Tiberim fluvium magnæ Romæ portionem detentam, & habitatam a Judæis. Unde Martialis l. 1. Epigr. 42.

.... Transiberinus ambulator,
Qui pallentia sulfurata fractis
Permutat vitreis

At qui nam erant hi Judæi, nisi illi, quos Oecumenius,

menius, & Chryſoſtomus appellat Romanorum libertos? In manibus eſt Philo: αἰχμαλῶται γὰρ ἀχθέντες εἰς Ἰταλίαν, ὑπὸ τῆς κτησαμένων ἡλευθερώθησαν. i. jure belli enim in ſervitutem redacti, & ducti in Italiam, a poſſeſſoribus libertate donati ſunt. Eat nunc Salmaſius, & clamet, hos libertos fuiſſe græci generis Fun. pag. 109. Exclamet: Libertini illi non fuerunt Judæi, ſed helleniſtæ. Fuiſſe Judæos ex Philone, aliisque vidimus, extitiſſe Helleniſtas Salmaſius concedit. Quid reſtat igitur, niſi helleniſtas omnes fuiſſe Judæos? Iam vero oſtendamus, Alexandrinos, Cilicos, Cyrenenſes, & Aſianos fuiſſe tales. In tota Ægypto, aliisque regionibus illos habitaſſe a Ptolemæis præſertim traductos teſtatur Joſephus l. 2. contra Apion. Quin etiam in Sardiniam Tacitus, alioſque plures aliò, Suetonius in Tiberio, quos omnes fuiſſe Judeos deplorat Joſephus l. 18. De Antiochia, aliisque urbibus Coeleſyriæ eadem habet l. 2. Antiq. cap. 2. & 3. Ad horum mentionem iterum æſtuat Salmaſius. Helleniſtæ Antiochiæ, ait, erant Proſelyti, & de more probat argumentatione, ſi ſuperis placet, neceſſaria. Helleniſtæ Antiochiæ, ait, erant Proſelyti, quia Nicolaus ejus Civis proſelytus erat: ergo etiam Diaconi illi ejus ſocii. Fun. pag. 82. Iam non miror totos ejus libros ſcatentes ἀσυλλογιſταῖς, nam quam legem differendi ne tirones quidem ignorant, a particulari nempe, ut ajunt, ad univerſale non valet conſequentia, ipſe nunquam addidit.

Verum oblitus pene fueram aliud non teli, ſed tormenti bellici, quod Claudius magno cum fragore contra nos contorquet Fun. pag. 71. Septem illi Diaconi, inquit, omnes erant ex græca progenie: Nomina illorum hellenica id manifeſte declarant Stephanus, Philip-
 pus,

pus, Prochorus, Nicanor, Timon, Parmenas, & Nicolaus. Profecto hominem acutiorē vidi neminem, quam Salmasium. Facere non possum, quin dem manus victas argumento tam efficaci, mirorque illius modestiam, qui solum illos septem enumerare contentus reliquit Petrum, Paulum, Andreā, Bar-tolomaeum, Marcum, Lucam, seu Lucium, Philippum, Thomam Didymum; & ex LXX. discipulis, quorum paucos novimus, Sosthenem, Andronicum, Iunium, Nigrum, Lucium Cyrenaeum, Mnasonem, & Aristodemum: inter nomina id etatis Agrippam cum uxore Berenice, Aeneas, Alcimus, Antiochus, Antigonus, Alphaeus, Antipas, Antipater, Apollo, Apelles, Archelaus. Heic quot Aristobulos, quot Alexandros enumerare possem hebraeos ex sola prima littera Alphabeti? Sed quid ago? in fine libelli jam sumus. Legat qui plura videre vult, Fl: Iosephum, & Philonem, qui cum aliis sexcentis graeca nomina habent. Ergo hi omnes non hebraici sanguinis erant, sed Profelyti. Vicit Salmasius, convocet libitinarios, pollinētores, sandapilarios, vespillones, ducat jam funus, pyram accendat, Ossa colligat, cineres recondat Linguae Hellenisticae, ut in suo Nosocomio sint contra Hellenisticariorum insaniam pharmakon Ἀντίδοτον. i. Antidotum.

FINIS.

